



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-6550-2/21
Sarajevo, 15.03.2021. godine

SKUPŠTINA KANTONA SARAJEVO
-OVDJE-

Predmet: Odgovor na zastupničko pitanje zastupnice Jasne Duraković, dostavlja se

Zastupnica Jasna Duraković je na 33. Radnoj sjednici Skupštine Kantona Sarajevo održanoj dana 03.03.2021. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila je slijedeće zastupničko pitanje:

„Prošle godine 31.3.2020. posredstvom JU “Služba za zapošljavanje KS” odnosno putem programa sufinansiranja zapošljavanja djece šehida i poginulih boraca u mnoge javne ustanove, ministarstva, institucije i fondove zaposlena su djeca šehida i poginulih boraca na godinu dana, dakle njihov ugovor ističe 31.3.2021. godine tačno kad i Odluka o privremenom finansiranju.

-Šta će se desiti s tom djecom koja su bila zaposlena preko Službe za zapošljavanje?


-Da li će se produžiti Ugovori ili će svi ti ljudi opet završiti na birou do nekog novog programa?

Naime, nova Vlada KS je i prijeimenovanja objavila prioritete i plan rada a među njima je i trajno rješavanje zaposlenja djece šehida i poginulih boraca. Stoga me zanima šta Vlada KS misli poduzeti po ovom pitanju?”

Na postavljeno zastupničko pitanje dajemo slijedeći

ODGOVOR

Ministarstvo za boračka pitanja Kantona Sarajevo je vezano za zapošljavanje djece šehida i poginulih boraca putem programa sufinansiranja posredstvom JU “Služba za zapošljavanje Kantona Sarajevo” pokrenulo inicijativu prema resornom Ministarstvu za rad, socijalnu politiku, raseljena lica i izbjeglice Kantona Sarajevo koje vrši nadzor nad zakonitošću rada Službe za zapošljavanje,



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

kao i neposredno Službi, da se u ovogodišnjim mjerama aktivne politike zapošljavanja predvidi nastavak ove mjere iz programa, konkretno 1+1, što znači angažman za još jednu godinu trenutno zaposlenih. Obzirom da nismo dobili ohrabrujuće informacije da je isto moguće riješiti na takav način, ovo ministarstvo je uputilo direktno inicijativu Ministarstvu zdravlja Kantona Sarajevo i JU Domovi zdravlja Kantona Sarajevo, da se obavezno uzme u obzir već angažovani kadar, ukoliko im je neohodan za rad, za produženje angažmana, odnosno novo zapošljavanje za ove kategorije koje svakako ostvaruju prednost prilikom zapošljavanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20).

Ovom prilikom ističemo da je ova vrsta programa zapošljavanja izvan ingerencija ovog ministarstva, te molimo da se ovo pitanje prihvati kao inicijativa nadležnoj JU Služba za zapošljavanje Kantona Sarajevo, da se osmisli i predloži mjera koja će omogućiti nastavak zapošljavanja kako ove kategorije braniteljske djece koja su po njihovim programima već zaposlena, tako i ostale djece ove populacije koja čekaju zaposlenje.

S poštovanjem,

MINISTAR

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

